

timi mensis, nilque aliud est, nisi brevis indicatio originis cujusvis jejunii.

XV. fol. eod. p. 2. *Incipiunt cronica succincte scripta de regno hebreorum.* Initium: *Quadragesimo tercio anno nini regis assiriorum &c.* Decurrunt a nativitate *Abrahae* per utrumque regnum usque ad *Hierosolymae* per *duos ursos*, ut dicitur, *Vespasianum* et *Tantum* destructionem.

XVI. fol. 268. *Incipit liber proemiorum de plenitudine librorum ueteris ac noui testamenti quos in canonem catholica recipit ecclesia iuxta uetustam priorum auctoritatem.* Enumerantur primum breuiter Libri omnes V. T. canonici hoc initio: *In principio uidelicet quinque libri Moysi &c.* Dein cuiusvis Libri *ἑπιτομή* exhibetur. v. g. *Genesis iuxta fidem hystorie describit fabricam mundi &c.* Desinit: *flumen eciam baptismi. mundum uite in dominum ihesum christum.*

XVII. pag. ult. *Commentariolum de Literis hebraicis una cum earum figuris.* Incipit: *Hebraicarum literarum forme due sunt. Vna antiqua qua samaritani utuntur. altera posterior qua iudei &c.* Edidit *Vallarsius* ex *Cod. Mediol. Ambrosiano* T. XI. Opp. *Hieronymi* p. 304. hac ibi hedera: *Incipit Descriptio Eusebii Sophronii Hieronymi de formis Hebraicarum literarum*, et quanquam, ut oportuit, abjudicet *Hieronymo*, alphabeto tamen adpicto plus tribuit, quam imperitae manus ductus, in *Cod. cit.* et nostro parum

congruentes, promereri videantur.

LXXXVIII. VI. C. 31

Codex chartaceus hisp. Sec. 157 XVI. Folior. 201. f. est *Commentarius in primos XLI. Psalmos Davidicos*, qui sine Autoris nomine et Praefatione statim incipit: *Salmo primero. En este Salmo qui es como probemio de todo el Salterio muestra dauid el bien de la piedad y el mal dela ynpiedad &c.* Defaecatae pietatis interpretatio est, versumque ex versu expendit. Desinit: *Los hebreos diuidiendo todos los salmos en cinco libros hazen a qui el fin del primer libro dellos.* In Autorem frustra inquisiui.

LXXXIX. VI. E. 12

Codex chartaceus lat. Sec. 301 XV. Folior. nunc 84. f. partim per 2. columnas exaratus ad Cl. *Lambecium* olim devenisse videtur ex inscriptione *Pag. 1. Honorabilis vir dominus Andreas steenbecke de lentze perpetuus vicarius in Capella Sancti spiritus Hamburgensis donauit hunc librum in suo testamento ad lecturam doctorem pro anime sue salute. Qui obiit Anno Domini MCCCCLXXV. hora quarta summo mane post dominicam Cantate post Pasca. Requiescat in Pace.* Exhibet is I. *Innocentii III.* Pont. Rom. antea dicti *Lotharii* ex Comitibus *Signiae*, qui sedem ab an. 1198. usque ad an. 1216. tenuit, *Expositionem*
in

in VII. Psalmos dictos *Poenitentiales*, quorum Praefatio incipit: *Ne inter occupationes multiplices et sollicitudines vehementes &c.* Opus vero ipsum: *Cum omne tempus septem dierum repetitione decurrat &c.* Finis: *utcunque descripsi ad laudem et gloriam nominis ihesu christi, qui cum patre &c.* Addit Librarius: *Explicit explicatio VII. penitentialium psalmodum edita per sanctissimum patrem nostrum ac dominum dominum Innocencium romane urbis antistitem et III. huius nominis papam. Finitum et completum Sub anno domini M^o CCCC^o. VII^o. in vigilia symonis et iude apostolorum.* Extant Commentarii hi separatim impressi Coloniae 1551. et 1566. 8. et *ibid.* 1552. et 1575. f. inter *Opera Innocentii omnia*, quae, cum pietatem singularem et virtutem spirent, difficile plenam fidem accusationibus adhibeas, quibus a quibusdam Scriptoribus impetitus est.

II. fol. 79. *Incipiunt testamenta XII. patriarcharum in quibus sunt pulcherrime et aptissime propheticæ de christo quæ transtulit magister robertus Dicitur grossum caput (Grosthead, Grossetest, Capito) lincolniens. episcopus de greco in latinum.* Testamenta hæc a Judæo quodam in Sec. I. et II. confiniis excogitata sed a Christiano postmodum interpolata, si Codici *ms. Bibl. Bodl.* 75. et *Norvicensi Job. Mori* 177. fides est, ex Hebræo in Graecum transtulit *Johannes Chrysost.* Agit de iis

fuse doctissimus *J. Ern. Græbius* in *Spicil. SS. PP.* T. I. Oxon. 1714. p. 129. 8. ubi ea graecæ et lat. repræsentat. Inde *Fabricius* in *Cod. Pseudepigr. V. T.* ad p. 496. transtulit. Versionis nostræ editionem *Paris.* 1549. 12. primam habuit *Græbius*, atque ita vitiosam in *Orthodoxographæ* et *Bibliothecæ PP.* transtulisse queritur. Sed adjacet mihi Editio multo antiquior *char. goth. f. l. et a. 24. foll. 4.* unde fortasse ceteræ omnes dimanarunt, ut suadet instituta collatio. Ad hujus Editionis calcem habetur Notitia illa de Versione *Testamentorum*, quam etiam *Græbius* ex *Cod. Coll. Trinit.* p. 252. repræsentat, sed omittit *Fabricius*, a quo p. 758. adlata *Testamentorum* Editio per *Menradum Molterum* 1483. ut verum fatear, mihi suspecta est. Illa porro Notitia in Editione mihi adjacente amplior est *Græbiana*, adiutoremque illum *Roberti Lincolniensis* in *Testamentis* vertendis *Nicolaum* Graecum *Redorem Ecclesiæ de dachet* adpellat, quod a nemine præter *Tannerum* in *Bibl. Brit. Hib.* commemorari video. Verum, ut jam ad *Codicem* redeam, hoc ejus est initium: *Ruben interpretatur visionis filius. Prius quam moreretur in vicesimo septimo (omnes al. quinto) et centesimo anno vite sue Post duos annos mortis Joseph egrotans dixit filiis suis Ecce coram deo testificor vobis deum celi hodie &c.* Atqui hæc satis ab Editis abeunt. In *Testamento Gad* deficit *Codex*
O 3 ver-